

26. Februar 2018

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq

1. Sinerissamut qanittumi qaleraleqarfiit mianersuunneqartussanut ilaanngillat?

2. Apeqquq 1-mut akissut aappiuppat, taava aalisagaqarpa allanik aalisagaqarfeqarpaluunniit allanik mianersuunneqartussanut ilaanngitsunik?

(Inatsisartunut ilaasortaq Michael Rosing, Attaviitsoq)

Tunngavilersuut

Aalisarnermut Piniarnermullu Naalackersuisup tusagassiutini oqaatigaa qaleralinnut sualummik Qeqertarsuup Tunuali qaleralinnut biologit ilisimasaat amingartoq taamaattumillu qaleralittassiissutigineqartut biologit innersuussutaannut naleqqiullugit amerlanerusut. Naalackersuisut nittartagaanni TAC pillugu titarnertaami ilaatigut imatut allassimasoqarpoq:

"Uumasut assigiinngitsorpasuunerisa iluaquteqarnerlullu mianersortumik periaaseqarneq aallaavigalugu piujuartitsinissamik tunngaveqarnissaa pillugu nunani tamalaani isumaqatigiissutit, soorlu Rio-deklarationen 1992 (Avatangiisit ineriartornerlu), Biodiversitetskonventionen (CBD) aamma Washington konventionen (CITES) Kalaallit Nunaata akuerinikuuai"

<http://naalackersuisut.gl/da/Naalackersuisut/Departementer/Fiskeri-Fangst/Fiskeriafdelingen/TAC-og-kvoter>

Naalackersuisoqatigiit maannakkut atuuttut naalackersuisoqatigiinnissamut isumaqatigiissutaanni ilaatigut ima allassimasoqarpoq:

" Aalisarneq nunatta inuussutissarsiutaasa pingaarnersaraat aningaasanillu isaatitsissutit annersaralugu, taamaammat aalisarnerup piujuaannartitsinermik aallaaveqartuarnissaa Naalackersuisooqatigiit isumaqatigiissutigaat"

http://naalackersuisut.gl/~media/Nanoq/Files/Attached%20Files/Naalackersuisut/DK/Koalitionsaftaler/Siumut_IA_Naleraq_Koalitionsaftale_da-1.pdf

Mianersuussinissamut tunngavimmi allassimavoq, pisuussutit qularnartoqartut ilisimaneqarpat taava piniarneqarnerat mianersuunneqassasoq. Tassa imaappoq pisassiinermi pitsaanerussasoq biologit innersuussinerat ataallugu pisassiisoqarpat qulaallugit pisassiinani.

Naalackersuisut uani killormorluinnaq iliorput. Taamaattumik paasitinneqarpunga mianersuussilluni tunngaveqarnissamut sinerissamut qanittumi qaleralinniarneq pineqanngitsoq. Taamatut isumaqarama ilumoornersoq ilumuunnginnersorluunniit paaserusuppara.

Apeqqutikka akeqqakka ullut sulliviit nalignnaasut qulit iluanni.